

extra

ARUBA

BETICO CROES: E POLITICO MAS STIMA DEN E PUEBLO


ORANJESTAD (APA) Awe ta cumpli un aña di fayecimento di e gran lider arubano Betico Croes. Relaciona cu e fecha aki nos lo bai trece padilanti un relato di e bida politico, social y familiar di Betico Croes kende semper lo wordu recorda como un persona stima pa mayoria di e pueblo.

Betico, na Aruba/Antillas Hulanda y otro paisnan tabata un persona sumamente conocido. Aki na Aruba su forma di atende pueblo, su sensiyez a resalta riba tur lider politico. E tabata goza y te awe despues di su morto ta ainda, un popularidad y ta ser considera como e politico den historia di Aruba. E tabata un persona hopi social y stima te ainda den comunidad.

Betico a nace dia 25 di januari 1938, su mayornan ta: Mimita y Panchico, kendenan ta biba na Santa Cruz. Betico tabata casa y tata di 4 jiu: Guisette, Glenbert, Junior y Glendeline. Segun su mayornan, Betico tabata un mucha masha obediente y semper tabata ela pa yuda na cas. Di chiquito e tabata un bon estudiante. E ta lanta cu hopi respect pa su mayornan cu sigur a yudé den formacion di su caracter y personalidad.

Despues di a termina su estudio basico, el a bai 3 aña di HBS-B na St. Dominicus College, pa despues bai Hulanda pa studia como maestro di school. Na Hulanda Betico tabata hopi activo den diferente organizacion social y antiyano cu tabata traha na bienestar di e arubiano y antillanonan. Ora cu e politico tabata papia di su bida na Hulanda, e tabata bisa cu esaki no tabata uno facil pero cu el a conoce hopi sacrificio y cu hasta e mester a traha pa e por a termina su estudio. Apesar cu e tabata ñeu di su pais semper el a keda na altura di tur e acontecimentonan politico cu tabata sosode na Aruba.

E tabata un gran amante di literatura y principalmente bida di politician mundialmente conoci tabata interes masha hopi. Tambe historia politico di cualquier pais, pero principalmente esun di Hulanda, Antillas Hulandes y Aruba tabata tin su atencion. Tur esakinan a yudé prepara su mes politicamente pa e por a yega di carga un responsabilidad asina grandi manera di ta consehero general. Amigonan cu a studia hunto cune na Hulanda a yega di manifesta cu Betico tabata un estudiante sobresaliente y activo y cu



desde e tempo ey e tabata papia na favor di Aruba. E tabata mantene e grupo di arubianonan uni y tabata bisto for di e tempo ey cu Betico ta un lider.

BETICO BEK NA ARUBA

Regresando Aruba como maestro di school cu "hoofd acte" el a bai duna les na St. Jozefschool na Santa Cruz. Betico no solamente tabata conoci como un bon maestro, pero tabata yuda masha hopi ariba e tereno social. E tabata dedica hopi tempo na esnan cu no por a studia bon y tambe na esnan menos afortunada.

El a bira un persona conocido ariba terreno di hubentud, deporte, musica, cultura y social. E tabata yuda den diferente organizacion social na Santa Cruz y di Aruba. Su alumnonan tabata hopi orguyoso di dje y te dia di nan awe nan tin un grato recuerdo di dje.

Apesar cu e tabata un persona hopi ocupa, e la logra su L.O. Spaans y L.O. Handelskennis y a bai duna les na St. Antonius College y bai yuda directamente den formacion di e hubentud di Aruba. E tabata goza di hopi admiracion di tanto su coleganan como di su alumnonan pa e forma cu e ta dedica na enseñansa di e pueblo. Den comunidad tur hende tabata conoce como Meneer Betico pasobra e la siña su alumnonan e disciplina verdadero cu un arubiano mester tin pa progreso di su bida.

BETICO COMO POLITICO

Na aña 1967 ela drenta politica activamente y a aparece riba lista di AVP y a obtené nada menos cu 1045 voto combirtiendo su mes asina

hall na Santa Cruz y awe hubentud tin un lugar adecuado pa haci deporte. Tambe el a introduci e popular "Bibliobus" cu ta pasa na tur e schoolnan. Ela cuminsa cu esaki pa stimula e hobennan den lectura ya cu e ta kere cu esaki ta hopi importante pa un desaroyo mental sano pa cualquier ciudadano.

FUNDACION DI MEP

Tabata tin un tempo despues di morto di shon A-Eman cu lidernan di bario di e partido berde a manifesta e deseo pa e hoben politico aki bira lider di AVP. Pero esaki no a keda realisá ya cu dilanti huez a wordu bisa na su persona cu e no por bira lider, pasobra e no ta ruman ni jiu di e difunto lider Shon-A-Eman. Despues di esaki ela bandona filan di AVP y a funda Movi-

te na su morto y te awe ainda e ta politico mas stima pa e pueblo di Aruba.

Durante eleccionnan di '71, aña cu MEP a wordu fundá, ela hanja 3385 voto y MEP a bai den oposicion. Apesar cu Betico su partido no tabata forma parti di gobierno, ela logra pa su ideanan wordu scucha. Ela insistí cu un delegacion oficial di Eilandsraad mester bai Hulanda pa papia riba e deseo di e pueblo pa cu su Status Aparte cual a sosode tambe y apesar cu e delegacion no tabata tin exito na Hulanda ela sigui cu e lucha. Como miembro di e diferente comisionnan ela lucha pa e deseo di Aruba por wordu lográ, tanto na Aruba, Hulanda, y otro paisnan extranhero.

Na aña '73, MEP a logra a hanja mayoria di asientonan den eleccion pa Staten. Como condicion pa participa den e gobierno central nan a exigí reconocimento di e "Status Aparte" pa Aruba. Na aña '75 MEP a gana e eleccion di Eilandsraad sacando 13 asiento y na e ocasion ey ela keda nombra consehero general di gobierno di Aruba. Den e posicion aki ela biaha na diferente parti di mundo pa hiba e deseo di e pueblo arubano padilanti.

REFERENDUM

Betico como consehero general di gobierno di Aruba a pidi gobierno di Aruba pa organisá un referendum pa hanja sa e opinion exacto di e pueblo cual resultado, 83 porciento na favor di un independencia, a duna tanto Betico y MEP razon cu e pueblo tabata desea nan independencia.



den e hoben politico mas popular di e tempo ey. Danki na su sistema di hiba discurso y politica cu AVP a acumulá un cantidad considerabel di voto te cu nan a forma gobierno. Betico a wordu eligi como diputado y a ocupa e posicion aki for di juli '67 te cu 2 di september 1970.

Como diputado a haci un aporte grandi na nos hubentud y no solamente esey pero tambe a comberti su mes den e promé politico cu tabata tin un contacto directo cu su pueblo y a keda e simpel homber di pueblo. Como diputado ela dedica masha hopi tempo na enseñansa di Aruba y durante su periodo a keda construi schoolnan na diferente distrito di Aruba. Betico tabata un persona cu a pensa masha hopi ariba e hubentud y ariba e posibilidad pa mas deporte tumando na consideracion cu deporte ta traha patria y cu esaki ta kita hobennan di mal vicio. Como diputado ela bin cu e proyecto pa traha sport-

miento Electoral di Pueblo dia 9 di februari 1971. Apesar di su edad hoben, e tabata tin amplio conocimiento di e constelacion politico di Aruba y di otro paisnan den mundo.

Den su carrera politico, e hoben Betico Croes como lider di MEP a bin cu cambionan politico y a percura pa e union di e pueblo. Pa Betico no tabata importante si bo ta bini di Corsou, Bonaire, Islanan Ariba, Hulanda, etc ya cu pé bo tabata un arubiano y bo ta pertenece na Aruba. Betico semper tabata bisa den su discursonan cu ta tur e nacionnan o islanan aki a forma e isla y pronto e pais Aruba cu lastimamente Dios no a duné e oportunidad pa mira esaki. E tabata bisa cu nan a bin traha na futuro di Aruba, pesey e personanan aki tin igual derecho di sinti nan mes arubiano. No tabata importa raza o religion, bo tabata arubiano. E pnenencia y e carisma cu e tabata tin a hacie asina popular y esaki a sigui crece



HIMNO Y BANDERA

Betico, atrobe den su calidad di consehero general a propone na e gobierno pa Aruba hanja su propio